

## Hey, ca' thro' by Robert Burns

Up wi' the carls o' Dysart,  
And the lads o' Buckhaven,  
And the kimmers o' Largo,  
And the lasses o' Leven.

Chorus.-Hey, ca' thro', ca' thro',  
For we hae muckle ado.  
Hey, ca' thro', ca' thro',  
For we hae muckle ado;

We hae tales to tell,  
An' we hae sangs to sing;  
We hae pennies tae spend,  
An' we hae pints to bring.  
Hey, ca' thro', &c.

We'll live a' our days,  
And them that comes behin',  
Let them do the like,  
An' spend the gear they win.  
Hey, ca' thro', &c.